



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

IX. Die Markgrafen Otto und Albert überlassen dem Kloster zu Spandow die Kirche zu Roskow, im Jahre 1270.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

VIII. Probst und Capitel des Klosters Spandow bekunden, wie die ihnen von dem Ritter Arnold von Bredow hinterlassenen Einkünfte und Capitalien zu seinem Seelenheil verwandt werden sollen, im Jahre 1267.

Jacobus prepositus monasterii in zspandow, Margareta priorissa totumque capitulum ibidem omnibus, ad quos presens scriptum peruenerit, salutem in domino. Quoniam ea, que geruntur in tempore, cum lapsu temporis a mentibus hominum recedere et sic in irritum deuenire consueuerunt, nisi testium uel scripture subsidio confirmantur; Nouerint uniuersi tam presentes quam posteri hanc presentem paginam inspecturi, quod arnoldus miles, dictus de bredow, ex instinctu diuino et ad cultum dei ampliandum et in remedium anime sue et predecessorum suorum, contulit cenobio dominarum in zspandow de redditibus suis III^{or} choros filiginis in Warnow, qui translati sunt de Warnow in Clodow mediante uoluntate marchionum, et XX marcas parati argenti et XV marcas, in quibus ei tenebamur, in extremis propter deum relaxauit. Hanc elemosinam sub hac forma et tali conditione assignauit, ut singulis diebus ferialibus missa pro defunctis debeat dici ad altare sancte crucis, exceptis sextis feriis et sabbatis, in quibus debet dici de sancta cruce et in sabbatis de domina nostra. Insuper inseruit, quod lampas singulis noctibus ante crucem et ante imaginem sancte Marie frequenter ardere debeat, Et ut anniuersarij eius singulis annis a conuentu sollempniter et deuote celebretur Et ipso die anniuersarij sui conuentus laute et bene procuretur. Ut autem hec donatio testamenti et elemosinarum posteris cognita permaneat ac stabilis perseueret, ipsam sigillorum nostrorum appensionibus decreuimus muniendam. Testes sunt Henricus de groben et frater suus arnoldus de grobene et Wegerus miles et quam plures. Acta sunt hec anno domini M^o. CC^o. LXVII^o.

Nach dem Originale des Geh. Staats-Archives.

IX. Die Markgrafen Otto und Albert überlassen dem Kloster zu Spandow die Kirche zu Roskow, im Jahre 1270.

In nomine f. et ind. trin. Otto et Albertus, dei gratia Marchiones brandeburgensis, omnibus in perpetuum. Quoniam ea, que geruntur in tempore cum lapsu temporis etc. (wie in der Urkunde vom Jahre 1267); Nouerint igitur tam presentes quam posteri hanc paginam inspecturi, quod nos instinctu diuino ac deuotarum dominarum monialium in Zpandowe nec non et venerabilis Henrici brandeburgensis Episcopi precibus inclinati, ad cultum dei ampliandum et in remedium animarum nostrarum pariterque nostrorum predecessorum omnium, Ecclesiam in Roscowe iam dictis dominabus in honore beate marie uirginis in subsidium contulimus iure perpetuo possidendam, ut per eam, que mater misericordie, gratiam et misericordiam consequamur, et ab eis nostri pariterque parentum nostrorum memoria perhenniter habeatur. Ut autem nostrum hoc factum siue hec nostra donatio a nullo heredum nostrorum siue successorum possit aliquatenus infirmari, ipsum pagina presenti cum sigillorum nostrorum appensione dignum duximus per-

henni confirmatione roborandum. Huius rei testes sunt: frater Anno, Henricus de Grobene, Albertus de Grobe, Bruno de Redinhefdorp, Gerardus de Sconeplet et alii quam plures. Datum Anno incarnationis dominice M^o. CC^o. LXX^o.

Nach dem Originale des Geh. Staats-Archives.

X. Die Markgrafen Otto und Albert vereignen dem Kloster Spandow sieben Hufen Landes in Dalgow, die Ritter Rudolph von Schneitlingen dem Kloster überlassen hat, am 20. November 1271.

In nomine l. e. i. tr. Amen. Otto et Albertus, dei gracia Marchiones Brandeburgenses, omnibus in perpetuum salutem in domino. Que geruntur in tempore, ne simul labantur cum lapsu temporis, poni solent in linguis testium uel scripture testimonio perbennari. Sciat ergo presentis et futuri temporis posteritas, quod cum Rodolphus, miles noster specialis, dictus de Snetglinghe, vnam filiarum suarum monasticam uitam absolute ducere cupientem in Zspandow monasterio sanctimonialium ordinis sancti benedicti obtulisset et eandem dictum monasterium pure propter deum nostrisque interuenientibus precibus ad suum conforcium recepisset, dictus miles septem mansos, quos tunc a nobis feudali iure tenebat, in uilla dalghe sitos, intuitu pietatis deputauit monasterio memorato, ne eidem dicte filie ingressus existeret honorosus, petens a nobis humiliter, ut tam pie uoluntati sue beniuolum preberemus effectum. Nos ergo eius precibus inclinati, dictos septem mansos cum omni iure proprietatemque eorundem contulimus et donauimus monasterio sepedicto perpetuo possidendos. Vt autem hec donatio per nos heredesque nostros in perpetuum inuiolabiliter obseruetur, presentem paginam sigillorum nostrorum munimine fecimus communiri. Testes huius sunt: Frater Anno ordinis predicatorum, Henricus et Arnoldus milites dicti de grobene, Henricus de bredow, Albertus de Sneglinghe, castellani in Zspandow. Datum in Zspandow, anno incarnationis dominice M^o. CC^o. LXXI^o. Indict. III. Concurr. V. XII kal. Decembris.

Nach dem Originale des Geh. Staats-Archives.

XI. Bischof Heinrich von Brandenburg vereignet dem Kloster Spandow acht Hufen Landes in Stafen, welche Graf Günzel von Schwerin von dem Bischofe und die von Döbberitz von dem Grafen zu Lehn getragen, letztere aber den Jungfrauen zu Spandow mit der Bedingung zugewandt haben, alle Kirchen zwei Meilen im Umkreise mit Wein und Oblaten zu versehen, am 26. März 1273.

In nomine domini Amen. Henricus, dei gratia Brandenburgensis Episcopus, vniuersis cristi fidelibus presentes litteras inspecturis salutem in omnium saluatore. Acta presentis temporis scripturarum solent testimonio confirmari, ut ordo et causa rei preterite posteris declaratur et